

Trais yn y Cartref

Cwestiynau
Cyffredin



Mae'r daflen
yma'n egluro
sut gwneir
penderfyniadau
erlyn



Trais yn y Cartref

- **Beth yw Trais yn y Cartref?**

Dyma sut mae'r Llywodraeth yn diffinio trais yn y cartref:

“unrhyw ddigwyddiad lle ceir ymddygiad bygythiol, trais neu gamdriniaeth [seicolegol, corfforol, rhywiol, ariannol neu emosiynol] rhwng oedolion sy'n bartneriaid agos neu a fu'n bartneriaid agos neu aelodau teuluol, ni waeth beth fo'u rhyw neu rywioldeb.”

Mae Gwasanaeth Eryl y Goron (CPS) yn pryderu am droseddau sy'n digwydd mewn cyd-destun domestig beth bynnag yw oedran y dioddefwyr a'r camdrinwyr.

- **Pwy yw fy nghyfreithiwr?**

Nid oes gan ddioddefwyr a thystion gyfreithwyr ar wahân i'w cynrychioli. Ond, mae yna Gôd Ymarfer ar gyfer Dioddefwyr Troseddau sy'n sicrhau bod dioddefwyr yn cael gwybod gan yr heddlu a'r CPS am bopeth sy'n digwydd a'u bod yn cael eu cynnwys yn eu hachosion. Mae rhagor o wybodaeth ar gael yn:

http://www.cps.gov.uk/victims_witnesses/victims_crime.html#01

Ar ben hynny, yn *Addewid yr Erlynwyr*, mae'r CPS wedi gwneud ymrwymadau i ddiodefwyr troseddau, gan gynnwys rhoi ystyriaeth i farn diodefwyr wrth wneud penderfyniadau ar achos, sicrhau bod diodefwyr yn cael cymaint o gefnogaeth â phosib pan fyddan nhw yn y llys, ac addo y bydd diodefwyr yn cael gwybod am ddatblygiadau allweddol yn yr achosion y byddant yn rhan ohonynt.

Mae *Addewid yr Erlynwyr* i'w gael yn y cyfeiriad gwe uchod hefyd.

- **A oes unrhyw gefnogaeth ar gael i mi?**

Mae yna nifer o asiantaethau cefnogi arbenigol sy'n gallu rhoi cymorth i ddiodefwyr mewn llawer o ardaloedd yng Nghymru a Lloegr. Gall hyn gynnwys: gweithwyr estyn allan, darparu lloches, Cymorth i Fenywod, Gwirfoddolwyr Cymorth i Ddiodefwyr a Chynghorwyr Annibynnol ar Drais yn y Cartref (IDVA). Bydd yr IDVA yn gweithio gyda diodefwyr sy'n wynebu risg uchel, o ddechrau'r argyfwng drwy gydol proses y llys a thu hwnt.

Bydd Unedau Gofal Tystion hefyd yn rhoi'r wybodaeth ddiweddaraf i chi am yr achos

gan sicrhau bod eich anghenion penodol yn cael eu hystyried drwy gydol yr amser.

Llinell Gymorth 24 awr Trais yn y Cartref

Ffôn: 0808 2000 247

MALE (Llinell Gymorth i Ddynion)

Ffôn: 0808 8010 327

Broken Rainbow (Llinell Gymorth LGBT)

Ffôn: 0845 2604 460

- **Beth fydd y cyhuddiadau yn erbyn y diffynnydd?**

Does dim trosedd penodol o 'drais yn y cartref'. Bydd yr erlynydd yn dewis y cyhuddiad sydd orau am ddisgrifio amgylchiadau'r achos. Gallai hyn gynnwys cyhuddiadau fel: ymosod, aflonyddu, difrod troseddol neu ymddygiad bygythiol. Mae'r *Côd ar gyfer Erlynwyr y Goron* yn disgrifio prawf a rhaid bodloni'r prawf hwnnw er mwyn i erlyniad ddigwydd.

Y mae dau gam i'r prawf: y cam tystiolaethol a cham budd y cyhoedd. Mae'r cam tystiolaethol yn mynnu bod raid i ni fod yn fodlon bod digon o dystiolaeth i roi gobaith realistig o euogfarn yn erbyn pob diffynnydd ar bob cyhuddiad. Os nad oes digon o

dystiolaeth, ni all yr achos barhau ni waeth pa mor ddifrifol ydyw. Os yw'r achos yn pasio'r cam tystiolaethol, yna rhaid i ni benderfynu a yw erlyn er budd y cyhoedd

- **Pa bethau fydd y CPS yn eu hystyried wrth benderfynu a yw erlyn er budd y cyhoedd?**

Rhaid cael cydbwysedd rhwng barn a buddiannau'r dioddefwr a'r risgiau i'r dioddefwr ac i unigolion eraill. Rhaid i ddiogelwch y dioddefwr ac unrhyw blant fod yn ffactor allweddol i ni ei ystyried. Os oedd plant yn y cartref ble mae camdriniaeth yn digwydd, byddwn eisiau gwybod am yr effaith a gafodd hyn arny'n nhw. Dyma rai enghreifftiau o'r hyn sy'n ein helpu i benderfynu a yw erlyn er budd y cyhoedd: pa mor ddifrifol yw'r trosedd, niweidiau'r dioddefwr, a oes plant yn rhan o'r mater, a gafodd arf ei ddefnyddio, ac a fu trais o'r blaen.

- **Beth fydd yn digwydd os bydd yr achos yn mynd i'r llys?**

Bydd y diffynnydd yn cael dyddiad i fynychu'r llys. Gall y diffynnydd gael ei ryddhau i fynychu'r llys neu gael ei remandio yn y ddalfa.

Yna bydd y llys yn penderfynu a ellir rhoi mechnïaeth i'r diffynnydd (gyda neu heb amodau) neu a ddylai aros yn y ddalfa. Ar ôl ymddangos yn y llys, gofynnir i'r diffynnydd a yw'n cyfaddef iddo gyflawni'r trosedd (pledio'n euog) neu'n gwadu'r trosedd (pledio'n ddiueog). Gan ddibynnu ar natur y cyhuddiad a difrifoldeb yr achos, fe fydd yn cael ei wrando un ai yn y llys ynadon neu yn Llys y Goron.

Os yw'r diffynnydd wedi pledio'n euog, gall yr achos gael ei ohirio tan rywbyrd eto er mwyn i'r Gwasanaeth Prawf baratoi adroddiadau neu mae'n bosib y bydd y mater yn cael ei benderfynu yn y fan a'r lle. Os yw'r diffynnydd wedi pledio'n ddiueog, bydd dyddiad y treial yn cael ei drefnu. Yn y treial, bydd y llys yn gwrandao ar dystiolaeth. Bydd angen i dystion ddod i'r llys i roi eu tystiolaeth yn bersonol, er mewn rhai achosion gellir darllen y dystiolaeth. Bydd y diffynnydd yn cael ei ddyfarnu'n euog os bydd yr ynadon neu'r rheithgor yn sicr bod y diffynnydd wedi cyflawni'r trosedd.

- **A fydd y diffynnydd yn cael mechnïaeth?**

Unwaith y bydd diffynnydd yn cael ei gyhuddo o gyflawni trosedd (ble cafodd ei arestio), bydd yr heddlu yn penderfynu a

ddylai gael ei ryddhau ar fechnïaeth neu ei gadw yn y ddalfa er mwyn i'r llys penderfynu. Gallwn ofyn am i'r diffynnydd barhau yn y ddalfa er mwyn eich diogelu chi neu dystion eraill neu er mwyn atal troseddau eraill rhag cael eu cyflawni. Byddwn yn gweithio'n agos gyda'r heddlu, ble bynnag y bydd modd, a holi eich barn am amodau mechnïaeth (er enghraifft, gall y diffynnydd fod ag amod i beidio â mynd atoch chi, eich cyfeiriad gartref na'ch plant) ac unrhyw amrywiadau arfaethedig. Yn y pen draw, y llys fydd yn penderfynu a fydd y diffynnydd yn cael mechnïaeth ai peidio. Os bydd y diffynnydd yn torri amodau ei fechnïaeth, gall yr heddlu ei arestio a gall y llys ei remandio yn y ddalfa.

- **Beth os nad wyf eisïau mynychu'r llys na gwneud datganiad arall?**

Os byddwch yn penderfynu nad ydych eisïau mynychu'r llys na gwneud datganiad arall, nid yw'n golygu y bydd yr achos yn cael ei atal yn awtomatig. Yn hytrach, bydd raid i'r erlyniad ddarganfod pam eich bod wedi gofyn i'r achos gael ei atal, er mwyn gallu penderfynu beth i'w wneud. Bydd yr erlynydd eisïau gwybod y rhesymau pam nad ydych eisïau rhoi tystiolaeth erbyn hyn a gall

wneud cais i'r llys am ragor o amser i ymchwilio.

- **A fydd yr achos yn gallu parhau heb i mi gymryd rhan?**

Os bydd gennym ddigon o dystiolaeth i fwrw ymlaen o hyd, gallwn benderfynu parhau heb ddibynnu ar eich tystiolaeth. Yn gyffredinol, po fwyaf difrifol y trosedd (er enghraifft, os bu trais difrifol neu blant yn rhan o'r mater) mwyaf tebygol ydym ni o erlyn, hyd yn oed os byddwch yn dweud nad ydych yn dymuno i ni wneud hynny. Mewn rhai achosion, byddwn hefyd yn gallu gwneud cais i'r llys am fesurau arbennig er mwyn i chi roi'r dystiolaeth orau bosib.

- **A oes unrhyw help ar gael i mi roi fy nhystiolaeth?**

Mae rhoi tystiolaeth yn gallu bod yn brofiad anodd i bobl sydd wedi ddioddef trais yn y cartref. Mewn rhai achosion, gall y llys gytuno y bydd tyst yn cael rhoi tystiolaeth gyda chymorth mesurau arbennig. Rhaid i erlynwyr wneud cais i'r llys am fesurau arbennig ac yna bydd y llys yn penderfynu a fydd yn caniatáu hynny. Bwriad y mesurau arbennig yw helpu tystion dan 17 mlwydd

oed, oedolion agored i niwed, tystion sy'n ofni dial a thystion sy'n gofidio neu'n ofni rhoi tystiolaeth.

Dyma enghreifftiau o fesurau arbennig: sgriniau, defnyddio stafell ar wahân (weithiau mewn adeilad gwahanol) gyda chyswllt teledu byw i'r llys, defnyddio cymhorthion cyfathrebu, rhoi tystiolaeth trwy ganolwr (sy'n gallu helpu'r tyst gyfathrebu â'r llys), a gwagio'r oriel gyhoeddus.

- **Sut gallaf roi gwybod i'r llys sut mae hyn wedi effeithio arnaf fi?**

Bydd yr heddlu yn gofyn i chi a fydddech yn hoffi gwneud datganiad personol dioddefwr. Mae datganiad personol dioddefwr yn wahanol i'r datganiad rydych yn ei roi i'r heddlu yn disgrifio'r digwyddiad. Pwrpas y datganiad hwn yw gwneud yn siwr bod y llys yn deall barn y dioddefwr cyn penderfynu ar ddedfryd y diffynnydd.

Trwy'r datganiad hwn, gall dioddefwr trosedd egluro'r effaith a gafodd y trosedd arnyn nhw. Gall hyn gynnwys agweddau corfforol, emosiynol neu ariannol. Mae'r datganiad yn ddewisol. Gellir ei wneud unrhyw bryd ac mae'n bosib gwneud mwy

nag un datganiad. Bydd copïau o'r datganiad yn cael eu rhoi i'r amddiffyniad ac i'r llys.

- **Gyda phwy y gallaf siarad os nad wyf yn fodlon â'r ffordd y cafodd fy achos ei drin?**

Os bydd gan unrhyw un gŵyl yn am y ffordd y cawsant eu trin gan y CPS, neu os byddant yn teimlo bod y system cyfiawnder troseddol wedi'u siomi ac nad ydynt yn gwybod pwy sy'n gyfrifol, gallant ysgrifennu at Brif Erlynydd y Goron ar gyfer yr ardal ble maent yn byw. Mae gan y CPS bolisi cwynion, ac mae taflen sy'n egluro'r drefn i'w dilyn i'w chael yn swyddfa leol y CPS. Mae manylion cyswllt holl Ranbarthau'r CPS i'w cael yn:

<http://www.cps.gov.uk/local/index.html>



Mae rhagor o gopïau o'r daflen yma ar gael gan:

Cangen Cyfathrebu y CPS
50 Ludgate Hill
Llundain EC4M 7EX

Ffôn 020 7796 8442
E-bost publicity.branch@cps.gsi.gov.uk

Argraffwyd gan Blackburns of Bolton
Mawrth 2009